



জাতীয় বিজ্ঞান ও প্রযুক্তি সপ্তাহ উপলক্ষে রাজধানীর আগারগাঁওয়ের বিজ্ঞান জাদুঘরে গতকাল থেকে বসেছে বিজ্ঞান মেলা।

ছবি : কালের কণ্ঠ

বিজ্ঞান ও প্রযুক্তি সপ্তাহ শুরু নানা আবিষ্কার নিয়ে মেলায় খুদে বিজ্ঞানীরা

নিজস্ব প্রতিবেদক >

রাজধানীর আগারগাঁওয়ের বিজ্ঞান জাদুঘরে বসেছে খুদে বিজ্ঞানীদের মিলনমেলা। শুরু হয়েছে ৩৮তম জাতীয় বিজ্ঞান ও প্রযুক্তি সপ্তাহ এবং তিন দিনের বিজ্ঞান ও প্রযুক্তি মেলা। অংশ নিচ্ছে সারা দেশের অপেশাদার বিজ্ঞানীরা। গতকাল বৃহস্পতিবার সকালে এই সপ্তাহ ও মেলার উদ্বোধন করেন বিজ্ঞান ও প্রযুক্তিমন্ত্রী স্বপতি ইয়াফেস ওসমান। বিশেষ অতিথি ছিলেন একই মন্ত্রণালয়ের সচিব মো. আনোয়ার হোসেন। সভাপতিত্ব করেন জাদুঘরের মহাপরিচালক স্বপন কুমার রায়। স্বাগত বক্তব্য দেন জাদুঘরের সিনিয়র কিউরেটর বদিয়ার রহমান। ইয়াফেস ওসমান বলেন, 'বিজ্ঞানের চর্চা বাড়াতে হবে। নইলে আমরা পিছিয়ে যাব। একুশ শতকের চ্যালেঞ্জ মোকাবেলায় বিজ্ঞান পারে অনেক সমস্যার সমাধান দিতে। বিজ্ঞান ছাড়া জীবন অচল। তবে বিজ্ঞানকে মানবকল্যাণে কাজে লাগাতে হবে, মানবসভ্যতার বিনাশে নয়।' তিনি উল্লেখ করেন, 'জ্ঞান বড় সম্পদ চর্চায় বেড়ে যায়, নদীর স্রোতের মতো থেমে গেলে মরে যায়।' জাদুঘর মহাপরিচালক স্বপন কুমার রায় বলেন, 'বিজ্ঞানবান্ধব প্রধানমন্ত্রী শেখ হাসিনা বিজ্ঞানের উৎকর্ষে সব সময় আগ্রহী। তাঁর নির্দেশনায় ২৩০ কোটি

টাকা ব্যয়ে একটি বিজ্ঞান ভবন নির্মিত হতে যাচ্ছে। মেলায় দেশের ৬৪টি জেলা থেকে জনিয়ার গ্রুপে ৬৪, সিনিয়র গ্রুপে ৬৪ এবং বিশেষ গ্রুপে ৫০ নবীন ও অপেশাদার বিজ্ঞানী অংশগ্রহণ করছে। মেলায় উল্লেখযোগ্য কয়েকটি প্রকল্পের মধ্যে রয়েছে ইলেকট্রিক অ্যান্ড ইলেকট্রিক্যাল লোড কন্ট্রোলার বাই অ্যানড্রয়েড সিস্টেম, ৩৩ গুণ শক্তিশালী কমপ্লিট সোলার প্যানেল, অটোমেটিক ফায়ার অ্যালার্ম অ্যান্ড ফায়ার এক্সটিংগুইশার, বিন্যত্ববিহীন হিমাগার, পিউরিফিকেশন অ্যান্ড রিসাইক্লিং অব ফ্যাক্টরি ওয়েস্ট, অধিনির্বাচক বাস, ব্যবহার অযোগ্য প্লাস্টিক বা কাঠ থেকে পেট্রোলিয়াম ও জৈব জ্বালানি প্রস্তুতি, সোলার পাওয়ার এক্সপ্লোরার রোবটিক সিস্টেম, নিরাপদ রেল ভ্রমণ, কচুরিপানা থেকে অপরিিশোধিত তেল, ফায়ার কন্ট্রোল বাস অ্যান্ড ন্যাচারাল এয়ার কুলার, লেজার স্পাইরোগ্রাফ, বর্জ্য পদার্থ পরিশোধন, গ্যাস উৎপাদন প্রকৃতি। মেলা প্রতিদিন সকাল ১০টা থেকে বিকাল ৪টা পর্যন্ত উন্মুক্ত থাকবে। মেলার দ্বিতীয় দিন আজ শুক্রবার সকাল ১০টায় অনুষ্ঠিত হবে প্রথম বিজ্ঞান অলিম্পিয়াড। এতে অংশ নেবে ২৫৬ জন প্রতিযোগী। এদিকে বিগত কুইজ প্রতিযোগিতায় মেধাতালিকায় স্থান পাওয়া পাঁচ শিক্ষার্থী সরকারি খরচে ভারত সফরে যাচ্ছে।